


# Titova slika u auli sarajevskog suda



Salihović: Obnovit će Principovu sudnicu



Broz: "Moji radnici koji ste vi volovi"

Uz pomoć sredstava Evropske unije u toku je generalna rekonstrukcija zgrade Općinskog i Kantonalnog suda Sarajevo, te je u sklopu obnove zgrade napravljena moderna šalter-sala, koja će zamijeniti desetak nefunkcionalnih pisarnica, a građani

će na jednom mjestu dobiti sve informacije o svojim predmetima.

- Imamo najmoderniju i najveću šalter-salu u državi, koja je duga 60 metara. Kroz nju će dnevno prolaziti do 9.000 ljudi, to jest oko 1,9 milona ljudi godišnje - pohvalio se Goran Sa-

lihović, predsjednik Općinskog suda Sarajevo, uz napomenu da tako izgleda i sud u Beču.

Rekonstrukcijom su modernizirane arhive, a u toku je izgradnja 14 sudnica OSS, dok je prije rekonstrukcije bila samo jedna. Bit će rekonstruirana i sudnica u kojoj je vođen proces protiv Gavrila Principa, jer po Salihovićevim riječima sud još posjeduje namještaj iz tog doba.

Prilikom radova u auli Suda neko je na zid naljepio sliku Josipa Broza Tita, koji se sada smiješi radnicima uključenim u radove. Neko od njih je Maršalu dodao i natpis: "Moji radnici koji ste vi volovi".

K.B.

## Sud nema lift kao prije 100 godina

Iz doba Austrougarske je i lift, kojeg su prilikom rekonstrukcije radnici našli zazidanog u zidu. Prema riječima domaćina, lift je napravljen prije 95 godina, a o prošlim vremenima svjedoče natpisu "Kad se služiš sa liftom dobro zatvori vrata". Da podsjetimo, zgrada Suda u Sarajevu danas nema lift.

